

noti circiter  $\frac{1}{4}$  brevior; pronoto strictura apicali nitida, callis confluentibus, margine basali medio sinuato lateribus rotundato, disco fortiter punctato; clavo basique corii fortius, corio apicem versus cuneoque obsoletius et subtilius punctatis; membrana fusca, venis nigris. Long. ♀  $4\frac{1}{2}$ — $4\frac{2}{3}$  mm.

Eritrea, Cheren!, D. F. Derrdi (Mus. civ. Gen.).

Primo intuitu *C. scutellari* Reut. e Java similis, differt statura paullo majore, colore capitis, rostri, antennarum et pedum, hemielytris unicoloribus, strictura apicali pronoti nitida etc. Caput basi pronoti fere duplo angustius, ab antico visum latitudine frontis oculique unici paullo longius, vertice oculo  $\frac{2}{3}$  — duplo latius. Oculi fusci. Antennae nigrae, articulo primo apicem capitis haud superante, secundo griseo-pilosulo. Pronotum latitudine basali circiter  $\frac{1}{3}$  brevius, basi quam apice fere triplo latiore. Hemielytra feminae abdomen breviter superantia; membrana areola majore versus apicem interne latissime arcuata, ne minime quidem angulata. Tibiae tenuiter spinulosae, spinis fusco-testaceis. Tarsi postici articulo primo secundo aequae longo.

#### 14. *Glossopeltis* n. gen.

Corpus sub-elongatum, medio leviter constrictum, nitidum; capite fortiter nutante, basi pronoti multo angustiore, vertice sat angusto, immarginato, margine tenui, clypeo levissime prominente, basi depressa cum fronte confluenta, genis humilibus; oculis orbita interiore apicem versus late sinuatis, postice retrorsum haud productis; antennis crassiusculis, articulo secundo versus apicem incrassato, ultimis secundo aequae crassis, ultimo elongato-fusiforimi; pronoto leviter transverso, strictura apicali tenui depressa, lateribus fortiter sinuatis a medio basin versus valde ampliatis, ubique callis exceptis dense impresso-punctato, callis sat maginis laevibus antice confluentibus, margine basali truncato, utrinque ante angulos leviter sinuato, limbo basali hoc loco impresso; scutello basi fortiter declivi, parte apicali in processum crassum et altum, erectum, apice rotundatum, antice et postice com-